

UN DIA DAB PEPE

(Sol)

Quan partim de la valea,
On la vita èra en penent,
Au planèr de la gran vila,

(Ré)

Que cromptèm lotissement,

(Sol)

Que cromptèm lotissement.

E Pepé qui reperiaja,

Ne volè pas caminar,

Que gahà lo torticòli,

(Ré)

De tant que s'arrevirà,

(Sol)

De tant que s'arrevirà.

La maison qui ns'an bastida,

Qu'ei ua Brunò Petit,

Que n'i a per tota la vita

(Ré)

Entà pagar lo credit.

(Sol)

Entà pagar lo credit.

Lo vesin qu'a la medisha,

Mes cadun qu'ei embarrat,

Que'u sarram la man tot dia,

(Ré)

Per dessus los barbelats.

(Do) (Ré) (Sol)

Per des...sus los barbelats

Mes un dia dab Pepé

(Ré)

Que torneram tà la valea,

Camas cortas, camas vielhas,

(Sol)

Medish pas que marcheram,

E jo quan vien lo ser,

(Do)

Ne voi pas minjar la sopa,

(Sol)

Entà non pas vàder gran,

(Ré) (Sol)

Entà non pas vàder gran.